

## **1. UVOD**

O tome koliko je privreda razvijena može se upravo mjeriti samom razvijenošću finansijskog tržišta i njegovih osnovnih segmenata. Finansijsko tržište je mjesto na kojem dolazi do susretanja ponude i potražnje za različitim oblicima finansijske aktive. Ono se sastoji od tržišta novca i tržišta kapitala. Tržište novca je dio finansijskog tržišta na kome se trguje finansijskim instrumentima sa rokom dospjeća do jedne godine, a tržište kapitala dugoročno finansijsko tržište gdje se obavlja trgovina instrumentima sa rokom dospjeća preko godinu dana. Razvijeno finansijsko tržište ukazuje na razvijenu i stabilnu privredu.

Finansijsko tržište u Bosni i Hercegovini ima svojstva kontinentalnog modela, koji prije svega daje veliki značaj bankama kao osnovnim institucijama sistema, a manji značaj finansijskim tržištima i instrumentima. Finansijsko tržište Bosne i Hercegovine nema razvijeno tržište novca, dok je tržište kapitala organizovano kao tržište kapitala Federacije Bosne i Hercegovine (Sarajevska berza SASE) i tržište kapitala Republike Srpske (Banjalučka berza BLSE).

### **1.1. Predmet i problem istraživanja**

Predmet rada je sagledavanje i analiziranje finansijskog sistema BiH sa posebnim osvrtom na Republiku Srpsku. Posebna pažnja posvećuje se funkcionalnosti i tehnologiji rada na finansijskom tržištu Republike Srpske tj. tehnologiji rada na Banjalučkoj berzi.

### **1.2. Svrha, cilj i značaj istraživanja**

Svrha istraživanja je ukazati na nerazvijenost finansijskog tržišta Republike Srpske, probleme s kojima se susreće u uslovima finansijske krize. U radu se nastoji objasniti specifičnosti Banjalučke berze kao i pokazati kako se odvije trgovina hartijama od vrijednosti.

### **1.3. Hipoteza istraživanja**

Temeljna radna hipoteza glasi „Finansijsko tržište BIH odlikuje se nerazvijenošću, kako samog tržišta tako i intrumenata kojima se trguje.“

### **1.4. Metode istraživanja**

Imajući u vidu kompleksnost materije koja se istražuje, a s obzirom na postavljeni problem koji ovaj rad istražuje, kao i predmet i cilj istraživanja, u ovom radu koristiće se kombinacija poznatih naučnih metoda istraživanja. Tu se prije svega misli na komparativnu metodu, metode analize i sinteze, kao i metode indukcije i dedukcije.

### **1.5. Struktura rada**

Rad je podjeljen u pet dijelova.

Prvi dio rada je uvodni dio koji se sastoji iz uvodnih pojmove u vezi sa finansijskim sistemom Bosne i Hercegovine i Republike Srpske, predmeta i problema istraživanja, kao i svrhe, cilja i značaja istraživanja. Zatim su navedena glavna hipoteze istraživanja i metode koje su korištene u istraživanju.

U drugom dijelu se upoznajemo sa pojmom i osnovnim elementima finansijskog sistema, te njegovim funkcijama.

Treći dio odnosi se na finansijska tržišta, u okviru koje se obrađuju najznačajnije podjele finansijskih tržišta, institucija koje se pojavljuju kao učesnici, kao i instrumenata kojima se trguje na finansijskim tržištima.

U četvrtom dijelu rada objašnjena je podjela finansijskih tržišta prema roku dospjeća finansijskih instrumenata, tj podjela finansijskih tržišta na tržište novca i tržište kapitala. U okviru ovog djela pojedinačno su razrađeni definicije, učesnici i instrumenti kojima se trguje na svakom od ovih tržištima.

U petom dijelu opisane su osnovne karakteristike i specifičnosti finansijskog tržišta Bosne i Hercegovine i Republike Srpske.